



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. X. De impedimento ex vi, seu coactione.

[urn:nbn:de:hbz:466:1-73058](#)

§. IX.

De impedimento ex cultus disparitate.

1987. De hoc impedimento egimus tit. 9. à n.

1939. Cultu dispare sunt, qui non sunt ejusdem, sed diversa Religionis, & fidei; hæc disparitas cultus inter baptizatum & non baptizatum, reperitur; est Ecclesiæ constitutione dirimens matrimonium inter eos contrahendum, aut contractum juxta n. 1059. & est impedimentum juris tantum Ecclesiastici ex n. 1060. non extendit se ad matrimonia fidelium cum hæreticis dirimenda per n. 1061. & seq. hæc tamen conjugia, ubi adest morale, seu prudens periculum perversionis; illicita sunt, per n. 1062. præfertim, si fiant cum pacto, ut omnes liberi sequantur parentis hæretici fidem, ex n. 1065. & seq. Etsi autem unus conjugum infideli conversus ad veram fidem, altero ab eo vel physicè, vel moraliter discedente, licet, validèque contrahat matrimonium cum fideli, per hoc dissolvendo prius vinculum cum infideli; hoc tamen concessum non est, si conjuges fideles in infidelitatem lapsi sunt, & unus eorum facti pœnitens, ad fidem revertatur, altero in pertinacia persistente ex n. 1066.

§. X.

De impedimento ex vi, seu coactione.

1988. Vis, seu coactio, prout hic accipitur, est impedimentum dirimens matrimonium defectu consensu per eam exclusi, prout de jure requiritur ad valorem matrimonij, de hoc egimus tit. 1. à n. 389. Vis alia est præcisa, seu absoluta; alia conditionalis; vis, seu coactio solum conditionalis, non tollit voluntarium simpliciter; nec excusat à culpa contra legem naturalem; secus, vis absoluta ex dict. a n. 390.

1989. Vis præcisa, seu absoluta dirimit matrimonium jure naturæ ex n. 391. & seq. coactio autem conditionata, seu metus alius est gravis, & cadens in constantem virum; alius tantum levis, ut exposuiimus n. 393. & seq. Metus etiam gravis, & cadens in constantem virum, si proveniat à causa solum naturali, nec jure naturali, nec jure positivo invalidat sponsalia de futuro, vel de præsenti ex n. 296. idem tenendum est de metu gravi, & cadente in constantem virum, justè incusso à causa li-

bera ex n. 397. & à fortiori, de metu leviori, etiam injustè incusso, & directè ad extorquendum consensum ex n. 298. & seq. Et oppositum aliqui sentiant à num. cit. o seq.

Metus autem gravis, injusse, ac directè, incussum ad extorquendum consensum, irritum facit matrimonium non tantum jure positivo, sed probabilius etiam jure naturali à n. 407. Et hoc procedit, si metus ille incussum sit ab uno contrahentium, sive ab alio, si directè intendit extorquere consensum; sponsalia tamen defuturo ex tali metu, nec jure naturæ à n. 407, nec jure positivo irrita sunt, n. 426. sed tantum irritanda, ex n. 431.

Metus exhæredationis injustè incussum, & directè ad extorquendum consensum à liberis, invalidat matrimonium utrumque jure ex n. 486. hic metus injusse irritatur liberis à parentibus, quoties quis manæ, vel ipsa exhæredatio contingit propter matrimonium à liberis initum, contra voluntatem parentum, quam in tali casu licet præterire poterant ex n. 487. probabilis est, injusse exhæredari filiam ex hoc, quod nupserit indigno, si prius non recusavit nuptias cum dote oblatas, nec luxuriosam simul vitam elegit ex n. 497. an, & quale impedimentum matrimonio præstet metus amittendæ dotis; item metus pœnæ, à Dominis, vel Magistratibus, Laicis statutæ? exposuimus à n. 433.

§. XI.

De impedimento ex Ordine Sacro.

De hoc impedimento à nobis actum est tit. 6. à n. 938. Notandum autem, quod prima tonsura, vel quatuor mitores ordinis matrimonio contrahendo nullum præstent impedimentum per n. 938. contracto tamen matrimonio eusmodi Clericci amittant beneficia prius obtenta; cum exceptione in n. cit. Ordo facit sic ordinato præstat impedimentum dirimens matrimonium ab eo contrahendum, aut eo stante, sine dispensatione contractum ex n. 942. non autem si prius sit rite contractum ex n. 947. Ordo facit vim dirimenti matrimonium non habet ex fe, & jure naturali, vel etiam positivo divino ex n. 941. obligatio servandi continentiam, quam haber Clericus ordinatus in facili, non est de essentia status Clericalis, etiam in